

水云集

汪元量

文硕阁

wenshuoge.com

目录

关于我们	3
水云集	5
附录【上】	25
附录【下】	28

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

水云集

宋 汪元量 撰

湖州歌九十八首

丙子正月十有三挝鞞伐鼓下江南
臯亭山上【吴本下】青烟起宰执相看似醉酣
万马如云在外间玉阶仙仗罢趋班
三宫北面议方定遣使臯亭慰伯顔
殿上羣臣嘿不言巴延丞相趣降笈
三宫共在珠帘下万骑虬须绕殿前
谢了天恩出内门驾前喝道上将军
白旄黄钺分行立一防猩红似防君
一朶吴山在眼中楼台累累【吴本叠叠】
间青红锦帆后夜烟江上手抱琵琶忆故宫
北望燕云不尽头大江东去水悠悠
夕阳一片寒鸦外目断东西四百州
十数年来国事乖大臣无计逐时挨
三宫今日燕山去春草萋萋上玉阶
锦帆高揭绣帘开鼙鼓声悲凤管哀
月子纖纖云里见吴江不尽暮潮来
一出宫门上画船红红白白艳神仙
山长水远愁无那又见江南月上
太湖风起【吴本卷】浪头高锦柁摇摇坐不牢
靠着篷 垂两目船头船尾烂弓刀
昨夜三更泪湿腮伍胥何事梦中来
三宫从此相分别自勒潮头白马回
受降城下草离离寒食清明只自悲
汉寝秦陵何处存莺花无主雨如丝
金陵昨夜有降书更説扬州一战输
淮北淮南清未了又添军马下东吴
铁瓮城头马乱嘶金陵城下炮如飞
黑风卷地鼓鼙急昨夜常州又受围
晓来宫櫓去如飞掠削【吴本髮】鬢云浅画眉
风雨凄凄能自遣三三五五坐弹碁
暮雨潇潇酒力微江头杨柳正依依
宫娥抱膝船 坐红泪千行湿绣衣
晓鬟鬆松懒不梳忽聽人說是南徐
手中明镜抛船上半揭篷 看打鱼

京口沿河卖酒家东边杨柳北边花柳摇花谢人分散一向天涯一海涯
满船明月夜鸣榔船上宫人烧夜香好是烧香得神力片帆稳送到渔阳
一片淮山落照中开船忽遇打头风行军元帅传言语别拨官军下浙东
扬子江头潮退迟三宫船傍钓鱼矶须防风定过江去不奈林间杜宇啼
一半淮江半浙江怒潮日夜自相撞扬州昨夜军书至说道淮安未肯降
晓来潮信暂相留满耳惊涛愁复愁月殿不知何处锦帆摇曳到扬州
金屋煌煌丽九天朝歌夜舞艳神仙寻常只道西湖好不识淮南是极边
风雨声中听櫓歌山炰野饌奈愁何雪花淮【吴本堆】白甜如蜜不减江珧滋味多
九出【吴本尺】琼花一夜开无双亭曲小徘徊可怜后土空祠宇望断韦郎不见来
两淮战鼓不停挝万骑精兵赛夜叉破阵焚舟弹指顷汉人犹悞【吴本惧】夏爷爷
官军两岸防龙舟麦饭鱼羹进不休宫女垂头空作恶暗抛珠泪落船头
都人不识有干戈罗绮丛中乐事多一夜月明天漠漠汉人歌罢楚人歌
太皇太后过江都遥指淮山似【吴本是】画图抛却故家风雨外夜来归梦绕西湖
万骑横江泣鼓鞞千枝画角一行吹淮南今夜好明月船上美人空泪垂
芦荻飕飕风乱吹战场白骨暴沙泥淮南兵后人烟绝新鬼啾啾旧鬼啼
不堪回首泪盈盈万里淮河听雨声莫问萍虀并豆粥且餐麦饭与鱼羹
宰执连鑣向北行淮南【吴本西】夜夜鬼灯青虽然适意无南北生死难逃筛下星
更阑炙烛绣檐【吴本筵】遮卸却金钿与翠花心似乱丝眠不得江楼中夜咽悲笳
两淮极目草芊芊野渡灰余屋数椽兵马渡江人去尽民船拘敛作官船
宫人清夜按瑶琴不识明妃出塞心十八拍中无限恨转弦又奏广陵音

青天澹澹月荒荒两岸淮田尽战场宫女不眠开眼坐更聽人唱哭襄阳
翠鬟半亸倦梳妆杨柳风前阵阵凉弦索懒拈缩纖手龙涎犹嚼口脂香
风管龙笙处处吹都民欣乐【吴本欢喜】太平时宫娥不识兴亡事犹唱宣和御制词
可怜河畔草青青锦缆牵江且缓行爱此淮南山水好问天乞得片时晴
丞相催人急放舟舟中儿女泪交流淮南渐远波声小犹见扬州望火楼
拨尽琵琶意欲悲新愁旧梦两依依江楼吹笛三更后细雨灯前醉玉妃
篷 倚坐酒微酣淮水无波似蔚蓝双橹咿哑摇不住望中犹自是江南
销金帐下忽天明梦里无情亦有情何处乱山可埋【吴本堆】骨暂时相对坐调笙
宫人夜泊近人家瞥【吴本忽】见红榴三四丫犹說【吴本记】初离行在所玉阑无数牡丹花
丝雨绵云五月寒淮堧遗老笑儒冠行军元帅来相探折送驼峯炙一盘
江头【吴本南】杨柳舞婆娑万马成羣啮短莎北客醉中齐拍手隔船又【吴本犹】唱采
茶歌
长淮风定浪涛寬锦櫂摇摇上下湾兵后人烟絕稀少可胜战骨白如山
使臣开闸过高邮杨柳丝丝拂去舟宫女开【吴本推】篷犹自笑闲抛金弹打沙鸥
邵伯津头闸未开山城鼓角不胜哀一川霞锦供行客且掬荷香进酒杯
北风吹雨入篷间宫女腰肢瘦怯寒阿监隔船相借问计程今日到淮安
寶应城南柳数枝【吴本株】葭墙艾席是民居眼前境逆没【吴本无】诗兴忽有小舟来
卖鱼
船泊邳州古防傍斜风细雨送昏黄美人十二【吴本十十】船中坐犹把金猊炷好香
徐州城上覓黄楼四壁诗章读不休更欲登台看戏马州官携酒共嬉游

歌风台畔水沄沄地面官人餽酒羣宫女上船嬉一霎不禁尘土污衣裙
新济州来旧济州柳门西畔两三鸥酒边笑谑消长日弄竹弹丝尽胜流
一更船泊郢州城城外巡军夜柝鸣如此月圆如此客犹能把酒到天明
琵琶切切更嘈嘈高柳羣蝉遂【吴本逐】不号一片夕阳无限好汶河西上酒楼高
锦帆百幅碍斜阳遥望陵州里许长车马争驰迎把盏走来船上看花娘
兀兀篷 坐似禅景州城外更凄然官河宛转无风力马曳驴拖鼓子船
灌州河水曲如弓青草坪边路向东船过州南忽奇絶一如湖上藕花风
船到沧州且少留客来同上酒家楼沿河树折枣初剥满地藤枯 未收
牙樯暂住献州城鹭去鸥来管送迎卧笑宫人掷骰子金钱痴咒卜输赢
日中转柁到河间万里羁人强自寛此夜此歌如此酒长安月色好谁看
长芦转柁是通津尽是东西南北人日暮烟花箫鼓闹红楼烂醉楚州春
恰到杨村旧马头北风吹雨便成秋呜呜鬼物【吴本哭】败人兴掩却篷 且睡休
满朝宰相出通州迎接三宫晏不休六十里天围锦帐素车白马月中游
防同馆里紫蒙茸兰麝飘来阵阵风箫鼓沸天回鴈舞黄罗帐幔燕三宫
皇帝初开第一筵天顔问劳思【吴本意】绵绵大元皇后同茶饭宴罢归来月满天
第二筵开入九重君王把酒劝三宫驼峯割罢行酥酪又进雕【吴本椒】盘嫩韭【吴本剥
嫩】葱
第三筵开在蓬莱丞相行杯不放杯割马烧羊 解粥三宫宴罢谢恩回
第四排筵【吴本筵开】在广寒葡萄酒酿【吴本醪】色如丹并刀细割天鸡肉宴罢归来
月满鞍
第五华筵正大宫辘轳引酒吸长虹金盘堆起胡羊肉御【吴本乐】指三千响碧空

第六筵开在禁庭蒸麋烧鹿荐杯行三宫满饮天顏喜月下笙歌入旧城
第七筵排极整齐三宫游处软輿提杏浆新沃烧熊肉更进鹌鹑野雉鸡
第八筵开在北亭三宫丰燕已恩荣诸行百戏都呈艺乐局伶官叫防名
第九筵开尽帝妃三宫端坐受金卮须防殿上都酣醉拍手高歌舞鴈儿
第十琼筵敞禁庭两厢【吴本边】丞相把壶瓶君王自劝三宫酒更送天香近玉屏
一人不杀谢乾坤万里来来谒帝闾高下受官随品从九流艺术亦【吴本尽】沾恩
僧道恩荣已受封上庠儒者亦恩隆福王又拜平原郡防主新封瀛国公
金屋妆成物色新三宫日用御厨珍其余宫女千余个分嫁幽州老斲轮
每月支粮万石钧日支羊肉六千斤御厨请给葡萄酒别赐天鹅与野麋
三宫寢室异香飘貂防氍帘锦绣标花毯褥裯三万件织金凤被八千条
客中忽忽又重阳满酌葡萄当菊觞谢后已叨新圣防谢家田土免输粮
雪里天家赐炕羊两壶九醞紫霞觞三宫夜给千条烛更赐高丽黑玉香
三殿加餐强自寬内家日日问平安大元皇后来相探特赐丝防二百单
万里修途似梦中天家赐予意无穷昭仪别馆香云暖自把诗书授国公
万里羈孤夜忆家边城吹角更吹笳须防敕使传言语今日天庭赏雪花
雪子飞飞塞面寒地炉石炭共团栾天家赐酒十银瓮熊掌天鹅三玉盘
江南郡守列金阶内里华筵日日排文武官僚多二品还乡尽带虎头牌
四川督帅尚麤豪万马来燕贡一遭奏授虎符三百面内家更赐织金袍
九重蕢烛照帘栊三殿乘輿去贺冬金面垂慈多喜色史官书瑞奏年丰
晓望燕云正雪天闭门氍帐恣高眠内家遗钞三千錠添赐三宫日用钱

东宫雪里燕三宫妃子殷勤把酒钟
百十箜篌弹玉指两行珠翠击金镮
夜来酒醒四更过渐觉衾裯冷气多
踏雪敲门双敕使传言太子送天鹅
两下金栏障御阶异香缥缈五门开
都人罢市从容立迎接南朝驸马来
杭州万里到幽州百咏歌成意未休
燕玉偶然通一笑歌喉宛转作吴讴
越州歌二十首

淮南西【吴本四】畔草离离万楫千艘水上飞
旗帜蔽江金鼓震巴延丞相过江时
东南半壁日昏昏万骑临轩趣防君
三十六宫随辇去不堪回首望吴云
一阵西风满地烟千军万马浙江边
官司把断西兴渡要夺渔船作战船
两【吴本西】峯云锁几时开昨夜京城战鼓哀
渔父生来载歌舞满头白髮见兵来
秋风吹雨暗天涯越鸟巢翻何以家
岭上万松都斫尽西湖新路欲排义
师相平章误我朝千秋万古恨难销
萧墙祸起非今日不赏军功在断桥
苍生恸哭入云霄内苑琼林已作樵
打断六更天未晓禁庭两桁粃盘烧
鲁港当年傀儡场六军尽笑贾平章
三声锣响三更后不见人呼大魏王
脱却黄袍心莫欺魏王事业止于斯
孤舟走过扬州去表奏朝廷乞太师
贾庙巍巍尽敕封秦齐两国受恩同
木棉庵下无依鬼合策麒麟第一功
集芳园里策奇功丞相南行面发红
留得紫绵三百曲风吹雨打并成空
羣臣上疏纳忠言国害分明在目前
只论平章行不法公田之后又私田
甲子初秋柳宿乖皇天无雨只空雷
正当七月初三夜帝劝长星酒一杯
丝风毛雨共凄凉燕子楼空恨恨长
今日客逢新酒熟夜来春去落花忙
月夜【吴本落】湖歌歌正长船来船去水茫茫
上塘歌了下塘唱更唱吴王与越王

昨梦吴山阆苑开风吹仙乐下瑶台翠围红阵知多少半揭珠帘看驾来

鼇山灯月照人嬉宣德门前万玉姬【吴本妃】记得那年三五夜快行擎驾倒行归

内湖三月赏新荷锦缆龙舟缓缓拖醉里君王宣乐部隔花教唱采莲歌

年年宫柳好春光百啭黄鹂绕建章冶杏夭桃红胜锦牡丹屏【吴本亭】里燕诸王

昔梦吴山列御筵三千宫女烛金莲而今莫說梦中梦梦里吴山只自怜

醉歌

吕将军在守襄阳十载襄阳铁脊梁望断援兵无信息声声骂杀贾平章

援兵不遣事堪哀食肉权臣大不才见說襄樊投拜了千军万马过江来

淮襄州郡尽归降鞞鼓喧天入古杭国母已无心听政书生空有泪成【吴本千】行

六宫宫女泪涟涟事主谁知不尽年太后宣传【类藁传宣】许降国巴延丞相到帘前

乱防连声【一作花底传筹】杀六更荧荧庭燎待天明【一作风吹庭燎灭还明】侍臣已
写归降表【一作奏罢降元表】臣妾金名谢道清衣冠不改只如先关防通行满市防北客
南人成买卖京城依旧使铜【吴本时】钱

北师要讨撒花银官府行移【吴本移行】逼市民丞相巴延犹有语学中要拣秀才人

涌金门外雨晴初多少红船上下趋龙管凤笙无韵调却挝战鼓下西湖

南苑西宫棘露牙万年枝上乱啼鸦北人环立阑干曲手指红梅作杏花

巴延丞相吕将军收了江南不杀人昨日太皇请茶饭满朝朱紫尽降臣

贾魏公出师

奏罢出师表翻然辞庙堂千艘空寶玉万马下钱塘【阙】许命真主欺孤欲假王可能清海
岱宗社再昌唐

孙殿帅从魏公出师

我宋麒麟阁公【吴本功】当向上名出师休背主誓死莫偷生社稷逢今日英雄在此行忽
【吴本勿】为儿女态一笑欲倾城

鲁港败北

夜半槌【吴本挝】金鼓南边事已休三军坑鲁港一舸走扬州星殒天应【吴本行】泣江
喧地欲流欺孤生异志回首媿巢由

北师驻臯亭山

钱塘江上雨初干风入端门阵阵酸万马乱嘶临警蹕三宫垂泪湿铃鸾童儿空想【一作賸
遣】追徐福瘴鬼终朝【吴本当】灭贺兰苦议和亲休练卒【一作若説和亲能活国】婵
娟剩遣【一作应是】嫁呼韩

杭州杂诗和林石田

石田林处士吟境【吴本镜】静无尘乱后长如醉愁来不为贫饭蔬留好客笔砚老斯人近
法秦州体篇篇妙入神先生忘富贵久客幸平安髮已千茎白心犹一寸丹衣冠前进士家世
旧郎官醉入乌程里吟登李杜坛逃难藏深隱重逢【吴本游】出近诗乾坤一反掌今古两
愁眉我作新亭泣【吴本泪】君生旧国悲向来行乐地夜雨走狐狸

蠋也吞声哭潜行到水头人谁包马革子独衣【吴本取】羊裘北面生何益南冠死则休百
年如过翼抚掌笑孙刘一春云冪冪三月雨淋淋鱼菜不归市莺花空满林人行官巷口军【
吴本兵】簇御街心老子猖狂甚犹歌梁父吟烽火来千里狼烟度六桥岭寒苍兕叫江晓白
鱼跳壮士披金甲佳人弄玉箫偶余尊酒在聊以永今朝有客肠回九无人髮握三关中新约
法江左旧清谈铁骑来天北楼船过海南一枝巢越鸟八茧熟吴蚕蹶足封韩信剖心嗔比干
河山千古泪风雨一番寒世指鹿为马人呼鸟作鸾江头潮汹汹城脚水漫漫吟身春共瘦独
立望江亭越水荒荒白吴山了了青军降欣解甲民喜罢抽丁拍碎阑干曲吞声血泪零天也
今如此人乎可奈何台边西子去宫里北人过玉树歌方息金铜泪已多旌旗遮御道舟楫满
官河此夕知谁【类藁何】夕游船杂战船山河空百二宫阙漫三千雨歇云垂地潮平水接
天惜哉无祖逖谁肯着先鞭陵庙成焦土宫墙没野蒿亡秦皆赵李佐汉独萧曹国子乘黄贵
山人着【吴本衣】白高飞埃犹黯黯逝水正滔滔静看纵横【吴本横】土翻成买卖儿禁
中惊战鼓城上出降旗魏操非无汉唐渊【吴本高】不有隋从兹更革后宁复太平期

偶出西湖上新蒲绿未齐携来编缩项买得蟹团脐问酒入新店唤船行旧堤乱离多杀戮水
畔几人啼天目丝丝雨江头剪剪风鼓鞞千艇合刁斗万家同金马怜焦土铜驼压草丛杞天
愁欲堕黑入太陰中日月往来穀乾坤生杀机江春蛟妾舞塞暖鴈奴归逆旅【吴本送客】
诗添债愁城酒破围如何秦相国昨夜鸩韩非如此只如此无聊酒一尊江山犹昨日笳鼓又
新元黑潦迷行路黄埃入禁门臯亭山顶上百万汉军屯世变长椎【吴本垂】髻时更短后

衣魏庭翁仲泣唐殿子孙非树秃鸦争集梁空燕自归断桥春已暮无赖【吴本限】柳花飞

春去雨方歇水流花自飞人生蝼螳梦世道犬羊衣日月东西驿乾坤阖辟扉斯令无二子空有首阳薇假途虞灭虢尝胆越吞吴黑白一棋局方圆八阵图是翁犹矍铄诸老自揶揄喟叹投麟笔悲歌击唾壶竟夕柴门掩无心接缙绅山中多乐事世上少全人诸吕几亡汉商翁不仕秦柴桑深僻处亦有晋遗民天下愁无尽生前乐有涯文章一小技富贵总虚华尘入金张宅草生王谢家可怜三月火不见八姨车休休休休休干戈尽白头诸公云北去万事水东流春雨不知止晚山相对愁呼童携斗酒我欲一登楼

钱塘

踟躕吞声泪暗倾杖藜徐步浙江行青【吴本平】芜古路人烟絶緑树新墟鬼火明事去玉环沈异域愁来金盃出佳城十年草木都麤烂留得南枝照浅清

钱塘歌

钱塘江上龙光死钱王宫阙今如此白髮宫娃作遠游漠漠平沙千万里西北高楼白云齐欲落未落日已低古人不见今人去江水东流乌夜啼

又【按湖山类藁有送琴师毛敏仲北行诗三首此其第一首也】

西塞山边【类藁前】日落处北关门外雨来天南人堕泪北人笑臣甫低头拜杜鹃

北征

北师【吴本帅】有严程挽我投燕京挟此万卷书明发万里行出门隔山岳未知死与生三宫锦帆张【吴本张锦帆】粉阵吹鸾笙遗氓【吴本民】拜路傍号哭皆失声吴山何青青吴水何泠泠山水岂有极天地终无情回首叫重华苍梧云正横

宋宫人分嫁北匠

皎皎千婣娟盈盈翠红围辇来路迢递梳鬟理征衣复采鸳鸯花缀之连理枝忧愁忽已失欢乐当自兹君王不重色安肯留金闺再令出宫掖相看泪交垂分配老斲轮强顏相追随旧恩弃如土新宠岂所宜谁谓事当尔苦乐心自知含情理金徽烦声乱朱丝一弹丹凤离再弹黄鹄飞已恨聽者少更伤知音【吴本者】稀吞声不忍哭寄曲宣余悲可怜薄命身万里荣华衰江南天一涯流落将安归向来承恩地月落夜乌啼

酬王昭仪【湖山类藁酬王昭仪上有秋日二字】

愁到浓时酒自斟挑灯看剑泪痕深黄金台愧【类橐作隗】少知己碧玉调将【类橐作湘】空好音万叶秋风孤馆梦一灯夜雨故乡心庭前昨夜梧桐语劲气萧萧入短襟

太皇谢太后挽章

羯鼓喧吴越伤心国破时雨阑花洒泪烟苑柳颦眉事去千年速愁来一死迟旧臣相吊后寒月堕燕支大漠陰风起羈孤血泪悬忽闻天下母已赴月中仙哀乐浮云外荣枯逝水前遗书乞骸骨归越山边平原郡公夜宴【湖山类橐有月下待瀛国公归寓府九字】

春事阑梦里休他乡相见泪空流柳摇楚馆牵新恨花落吴宫【吴本山】忆旧游渴想和羹梅已熟饥思进饭麦初收瀛洲归去琅玕长月朗风薰十二楼

平原郡公赵福王挽章

大王无起日草木尽伤悲生在太平际【类橐世】死当离乱时南冠流逖路北面幸全尸旧客行霜霰呼天泪湿麾

答同舍杜德机

北风吹我上金台忍见蛾眉堕马嵬宴罢蟠桃王母去江南肠断贺方回

答林石田【吳本答方石田】

南朝千古伤心事每阅陈编泪满襟我更伤心成野史人看野史更伤心

答徐雪江

十载高居白玉堂陈情一表乞还乡孤云落日渡辽水匹马西风上太行行橐尚留官里俸赐衣犹带御前香只今对客难为答千古中原话柄长

御宴蓬莱岛

晓日【类橐入】重闱对冕旒内家开宴拥歌讴驼峯缕【类橐屡】割分金盃马乳【类橐嫺】时倾泛玉瓯禁苑风生亭北曲【类橐角】寝园月【类橐日】转殿西头山前山后花如锦一朵红云侍辇游

幽州歌

汉儿辫髮笼氍笠日暮黄金台上立臂鹰解带忽放飞一行塞鴈南征急【吴本泣】

幽州除夜醉歌

燕姬压酒春宵永列炬摇光拂红影银鸭香烘云母屏绮 绣阁流芳馨脆【吴本晚】管声含兰气娇凤 拖颈乌云飘锦瑟无端促弦急纖蛾敛翠翻成泣雕笼啁哳鸡鸣早一笑红颜镜中老

除夕同舍集饮

万里陰寒泪欲流暂时欢笑且忘忧已呼赤脚来烹鴈更遣苍头为割牛燕伎女来情不恶鲁男子在话难投却怜半夜朝天去霜瓦差差十二【吴本绛玉】楼

幽州防饮【一本钱】

客路相逢在异乡佐樽先得杜韦娘舞回锦臂花争艳醉吸金波月鬪光他日未忘今日乐老年须记少年狂五陵游侠休相笑归去奚奴有锦囊

夷山醉歌

楚狂醉歌歌正发更上梁台望明月朔【吴本西】风猎猎吹我衣絶代佳人皎如雪捶羯鼓弹箜篌烹羊宰牛坐糟丘一笑再笑扬清讴遥看汴水波声小锦缆【类稿櫂】忘还事多少昨日金明池上来艮岳凄凉麋鹿绕麦青青黍离离万年枝上鸦乱啼二龙北狩不复返六龙南渡无还期金铜泪迸露盘湿画阑桂柱酸风急鸠居鹊构苍隼入蛇出燕巢白狐立东南地陷妖氛黑双凤高飞海南陌吴山日落天沈沈母子同行向天北關河万里雨露深小儒何必悲苦辛【类稿心】归来耳热忘头白买笑挥金莫相失呼奚奴吹笙策美人纵复横今夕复何夕楚狂醉歌歌欲辍老猿为我啼竹裂

呜呼再歌兮花满台好月为我光徘徊人生在世不满百纷华过眼皆成灰夷山青青汴水緑西北高楼咽丝竹美人十指纖如玉为我行觞歌一曲含宫嚼征当 牖露脚斜飞湿杨柳就中有客话陈桥如此山河落人手客且住听我语楚汉中分两丘土七雄争战总尘埃三国莺花浩无主咸阳宫殿不复都华清池沼温泉枯世间兴废奔如电沧海桑田几回变人生得意且尽欢何须苦苦为高官人生有命且行乐何必区区叹牢落遮莫金章与玉珂何如桐江披钓蓑遮莫貂蝉贵此身何如柴桑漉酒巾君不见海上看羊手持节饥来和雪和羶齧又不见饭颗山头人见嗤愁吟痛饮真吾师美人美人劝我酒有客有客听我歌须臾客醉美人睡我亦不知天与地呜呼再歌兮无人听月自落兮酒未醒

燕歌行

北风刮地愁云彤草木烂死黄尘防槌【类稿挝】鞞伐鼓声咚咚金鞍铁马摇玲珑将军浩气吞长虹幽并健儿胆力雄战车轧轧驰先冲【类稿锋】甲戈相拨声摩空鴈行鱼贯弯角

弓披霜踏雪渡海东鬪血浸野吹腥风捐躯报国效死忠鼓衰矢竭谁收【吴本取】功将军卸甲入九重锦袍宣赐金团龙天子锡【吴本赐】宴葡萄宫烹龙炰鸾割驼峯紫霞潋灩琉璃钟天顏有喜春融融乞与窈窕双芙蓉虎符腰佩官益穹归来贺客皆王公防门和气春风中美人左右如【吴本好】花红朝歌夜舞何时穷岂知沙场雨湿悲风急冤魂战鬼成行泣

居延

忆昔苏子卿持节入异域淹留十九年风霜毒顏色鬻羶曾牧羝跣足涉【吴本步】沙碛日夕思汉君恨不生羽翼一朝天气清持节入汉国子生别离回视如块【吴本堆】砾丈夫抱赤心安肯泪沾臆

长城外

饮马长城窟马烦水枯竭水竭将奈何马嘶不肯歇君看长城中尽是骷髅骨骷髅几千年犹且未灭没空衔千年冤此冤何时雪祖龙去已遠长城久迸裂叹息此骷髅夜夜泣秋月

寰州道中

穷荒六月天地有一尺雪孤儿可怜痛【类稿人】哀哉泪流血书生不忍啼尸坐愁欲絕鼙鼓夜达明角笳竞于悒此时入骨寒指堕肤亦裂万里不同天江南正炎热

山东飞放

天子出猎山之东臂鹰健卒豪且雄我欲从之出云中坐看万马如游龙

潼关

蔽日乌云拨不开昏昏勒马度关来綠芜迳路人千里黄叶邮亭酒一杯事去空垂悲国泪愁来莫上望乡台桃林塞外愁烟【类稿秋风】起大漠天寒鬼哭哀

函谷關

西风吹我度函關古壑泉声静自闲老子骑牛沙上去仙人化鹤苑中还断厓木脱悬残日絕域云横失好山旧説度關朱履客一声鸡唱翠微间

画溪酒边

夜来饮酒醉【吴本更】如何酒醒方知事转多赵国未衰廉蔺在齐城将下邳韩过鹄飞月树无依所龙入风江谩作波忽有好诗来眼底画溪榔板唱渔歌

常州

渡头风起柳摇丝丁卯桥边屋已稀河草青青淮马健江花冉冉海鸥肥一樽酒对三人饮八字帆分两岸飞天末有人难问信【类稿讯】仲连东去不须归

石头城

石头城上小徘徊世换僧残寺【吴本事】已灰地接汴淮山北去江吞吴越水东来健鱼奋鬣随蛟舞快鹞翻身猎鴈回一片降旗千古泪前人留与后人哀

金陵

只见空城不见台客行搔首重【吴本共】徘徊风云旧日龙南渡宇宙新秋鴈北来三国衣冠同草莽六朝宫殿总尘埃交游相见休相问把手江头且一杯

扬州

重到扬州十载余画桥雨过月模糊后皇庙里花何在炀帝隄边柳亦枯陂麦青青嘶乱马城芜冉冉落羣乌人生聚散愁【一本悲】无尽且小停鞭向酒垆

徐州

白杨猎猎起悲风满目黄埃涨太空野壁山墙彭祖宅靡花粪草项王宫古今尽付三杯外豪杰同归一梦中更上层楼见城郭乱鸦古木夕阳红

邳州

身如传舍任西东夜榻荒邨四壁空乡梦渐生灯影外客愁多在雨声中淮南火后居民少河北兵前战鼓雄万里别离心正苦帛书何日寄归鸿

涿州

芦沟桥下水泠泠落木无边秋正清牛马乱铺黄帝野鹰鹞高磨涿州城柳亭日射旌旗影花馆风传鼓吹声归客偶然舒望眼酒边触景又诗成

通州道中

一片秋云妬太虚穷荒漠漠乱【类稿走】羣狐西瓜黄处藤如织北枣红时树若屠雪塞捣砧人戍远霜营吹角客愁孤几回兀坐穹庐下赖有葡萄酒熟初

封丘

今夜宿封丘明朝过汴州云横遮逺塞水落见长洲树折枣初剥藤枯瓜未收倾囊沽一斗聊以慰羈愁

江陵

月到荆江上轻帆莫逺扬水摇龙影动风送鴈声长北斗回秋柄南辰耿夜光徘徊舒一啸诗兴落潇湘

巴陵

重到巴陵秋正清岳阳城下系孤舸江湖万里水云濶天地一凉河汉明月出洞庭鱼婢舞气蒸云梦【吴本梦泽】雁奴腥篙工又鼓潇湘柁渔笛渔榔上下鸣

蜀道

蜀道难行高接天秦關勒马望西川峨眉峯嶺知何处剑阁崔巍若个边

长沙

洞庭过了浪犹高河伯欣然止怒涛傍岸买鱼仍问米登楼呼酒更持螯湘汀暮雨幽兰湿野渡寒风古树号诗到巴陵吟不得屈原千古有离骚

成都

锦城满目是烟花处处红楼卖酒家坐看浮云横玉垒【吴本坐看红云浮玉垒】行观流水荡金沙巴童栈道骑高马蜀卒城门射老鸦见説近来多盗跖夜深战鼓不停挝

闻父老説【吴本谈】兵

昔闻天兵入西蜀鞞鼓乱挝裂岩谷金鞍战马踏云梯日射旌旗红簌簌黑雾压城尘涨天西方杀气成愁烟钓鱼台畔古战场六军战血平三川天寒日落愁无色将军一剑万人敌妇女多在官军中兵气不扬长太息

咎相公席上

燕云逺使栈云间便遣郾筒助客欢闪闪白鱼来丙穴绵绵紫鹤【吴本雀】出巴山神仙缥缈艷金屋城郭繁华号锦官万里桥西一回首黑云遮断剑門關

歌妓许冬冬携酒郊外小集

益州歌妓许冬冬客里相逢似燕鸿醉拥蜀琴抽白雪舞回班扇割西风山无野饌荒山里浪
蕤浮花古寺中偶尔留连借余景出门一笑夕阳红

隆州

歇马隆州借夕凉壶中薄酒似酸汤城濠寨【吳本借】屋偏栽柳市井人家却种桑官逼【
吳本迫】税粮多作孽民穷田土尽抛荒年来士子多差【吳本羌】役籍盐場与锦坊

彭州

我到彭州酒一觴遗儒相与话凄凉渡江九庙归尘土出塞三宫坐雪霜岐路茫茫空望眼兴
亡滚滚入愁肠此行歷尽艰难处明日【吳本月】繁华是锦乡

彭州歌

彭州昔号小成都城市繁华锦不如尚有遗儒头雪白见人犹自问诗书

彭州又曰牡丹乡花月人称小雒阳自笑我来逢八月手攀枯榦举清觴

汉州

马踏巉岩缓着鞭汉州城外看青天云横叠【吳本古】嶂吞残日风卷崇冈起晓【吳本烧
】烟地拔翠峯森似笋溪明锦石小如钱官邮【阙】足出门去信口语言诗未圆

绵州

绵州八月秋气深芙蓉溪上花陰陰使君唤船复载酒书生快意仍长吟击鼓吹笙欢【吳本
劝】客饮脱巾露髮看日沈归来不知其所往但见月高松树林

永康军

锦城飞马过青城无奈风声更雨声一夜不眠何似者筹花赌酒到天明

万州

槎牙鸟道没人烟狼虎交横马不前回首【吳本四面】青山藏白跼万州城下草连天

重庆府

铁作篙师铁【吳本纸】作舟风撞浪涌可无忧林间麋鹿遥相望峡里蛟龙横不休目断吊桥空悄悄头昏伏枕自悠悠锦城秋色追随尽好处山川更一游

涪州

晓立验樯乌时闻鸟兽呼斯须风力健遮莫水程迂赤岸石稠叠白盐山独孤眼前犹有险不尽更危途

泸州

复作泸州去轻舟疾复徐峡深藏虎豹谷暗隐樵渔西望青羌远南瞻白帝迂晴【吳本暗】嵐侵簟枕寒露湿衣裾野沼荷将尽山园荔已疎长官相见后置酒斫鲸鱼

荣州

醉倚高楼上裁诗得五言蚕丛云冪冪鸟道月昏昏妓女吹金管庖丁洗玉盆客痴浑不寐府主更开樽

戎州

豪士家园为我开树头树底锦堆堆书生大嚼真快意不枉戎州走一回

锦荔戎州第一奇大如鸡子压枝垂金刀剪下三千颗对客从容把酒卮

害【吳本客】马劳人事已灰长安无复使臣【吳本人】来满园蓊蔚千千树尽是杨妃死后栽

锦树高枝【吳本低】种万窠【吳本颗】岁收百斛足生涯八钱买得一斤重鲁直诗中特地夸

锦殻中间玉一团树高数丈实难攀泸戎颗颗甜如蜜防梓累累味薄酸

潼州府【吳本歌】

潼江【吳本州】待我洗吟眸如此江山是胜游红袖鬪歌才拍手綠鬟对舞尽纒头箜篌急撚风生座鼙鼓连挝月上楼一夜不眠鸡戒晓又骑铺马过绵州

兴元府

秋风吹我入兴元下马荒邮倚竹门
诗句未成云渡水酒杯方举月临轩
山川寂寞非常态市井萧条似破村
官吏不仁多酷虐逃民饿死弃儿孙

利州

云栈遥遥马不前风吹红树带青烟
城因兵破慳歌舞民为官差失井田
岩谷搜罗追猎户江湖刻剥及渔船
酒边父老犹能說五十年前好四川

隆庆府

鴈山突兀插青天剑阁西来接剑泉
如此江山快人意满船载酒下潼川

阆州

阆州城南海棠溪客子不可无新诗
正嫌风搅浪花碎更被雨冲云叶垂
野鸥出没底心性山禽飞舞犹威仪
江南或问阆州景锦屏山水天下奇

凤州

凤州山馆有清辉古木扶疎散陆离
红尾锦鸡鸣古埭绿头花鸭荡幽池
荷声策策秋来后桂影团团月上时
病马啮茭思故枥惊乌绕树宿何枝
三分割据人如梦满目兴亡客自【吳本似】痴走笔成诗聊纪实岷峨风土出蹲鸱

凤州歌

凤州南去是南岐大散横盘势更危
跃马紫金河畔路万株【吳本枝】杨柳撒金丝

去路迢迢入两当三千三百到华阳
黄花川上黄花驿千百猿声断客肠

和人贺杨仆射致政【吳本仕】

莲府公卿拜后尘手持优诏挂朱轮
从军幕下三千客闻礼庭中七十人
饰帐丽辞推北巷画堂清乐掩南隣
岂同王谢山陰防空叙流杯醉暮春

初庵傅学士归田里

燕台同看雪花天别后音书鴈不传
紫阁笑谈为职长 闾朝谒在班前
挥毫屡扫三千字把

酒时呼十四弦闻已挂冠归故里尚方【呉本多】宣赐钞成船

酬方塘赵待制【呉本侍御】见赠

久谓儒冠误穷愁方弃书十年心不展万里意何如司马归无屋冯驩出有车吾曹犹未化烂醉且穹庐

酬隠者刘桃冈

食既弹长铗囊悬少错刀功名须汝辈诗酒且吾曹强项贫而乐扬眉气自豪北来鱼字密南去鴈书高拟折渊明柳重寻梦得桃明珠忽委赠价重九方臯

曾平山招饮

老貌不随俗固穷而隠居一坞百竿竹八窓千卷书酌以旋篘酒荐之新网鱼兴尽出门去晚凉山雨余

答林石田见【呉本过】访有诗相劳

偶携降帟立诗坛剪烛西窓共笑欢【呉本观】落魄苏秦今席暖猖狂阮籍尚羶寒山中客老千茎白海上人归一寸丹世事本来愁不得乾坤只好醉时看

答开先老子万一山

庐山五老招我此行我琴不鼓无亏无成

万安殿夜直

凤衔紫诏下云端千载明良际防【呉本遇】难金阙早朝【呉本晓明】天表近玉堂夜直月光寒宫衣屡赐恩荣重御宴时开礼数寛却忆 都人去后桃花零落倚阑干

张平章席上

两鬓萧萧不耐秋兴来今日谒公侯舞余燕玉锦纏头又着红鞢踢绣毬

凤鸾双舞

慈元殿熏风寶鼎歆香云飘坠环立翠羽双歌丽调舞腰新束舞纓新缀金莲步轻摇彩凤儿翩翩作势便似月里仙娥谪来人间天上一番游戏 圣人乐意任乐部韶声沸众妃欢也渐

调笑微醉竞奉霞觞深深愿圣母寿如松桂迢递更万年千岁

题王导像【见遂昌山人杂录】

秦淮浪白蒋山青西望神州草木腥江左夷吾甘半壁只缘无泪洒新亭

生挽文丞相【类稿题云文山道人事毕此首元本不载今据吴氏绣谷亭本补录】

厓山擒得到燕山此老从容就义难生愧夷齐尚周粟死同巡逯只唐官雪平絶塞魂何在月满通衢骨未寒一剑故知公所欠要留青史与人看

浮丘道人招魂歌【见文丞相集附录】

有客有客浮丘翁一生能事今日终齧蘄雪窖身不容寸心耿耿摩苍空睢阳临难气塞充大呼南八男儿忠我公就义何从容名垂竹帛生英雄呜呼一歌兮歌无穷魂招不来何所从

有母有母死南国天气黯淡杀气黑忍埋玉骨崖山侧蓼莪劬劳泪沾臆孤儿以忠报罔极拔舌剖心命何惜地结茭血成碧九泉见母无言责呜呼二歌兮歌复忆魂招不来长叹息

有弟有弟隔风雪音信不通鴈飞絶独处空庐坐縲紲短衣冻指【成化杭州府志作指冻】不能结天生男儿硬如铁白刃飞空肢体裂此时与汝成永诀汝于何处收兄骨呜呼三歌兮歌声咽魂招不来泪流血

有妹有妹天一方良人去后逢此殃黄尘暗天道路长男呻女吟不得将汝母已死埋炎荒汝兄跣足行雪霜万里相逢泪滂滂惊定拭泪还悲伤呜呼四歌兮歌欲狂魂招不来归故乡

有妻有妻不得顾饥走荒山汗如雨一朝中道逢狼虎不肯偷生作人妇左掖虞姬右陵母一剑捐身刚自许天上地下吾与汝夫为忠臣妻烈女呜呼五歌兮歌声苦魂招不来在何所

有子有子衣裳单皮肉冻死伤其寒蓬空煨烬不得安叫怒索饭饥无餐乱离走窜千里山荆棘蹲坐肤不完失身被系泪不干父闻此语摧心肝呜呼六歌兮歌欲残魂招不来心鼻酸

有女有女清且淑学母晓妆颜如玉【成化杭州府志云学母梳妆面如玉】忆昔狼狽走空谷不得还家收骨肉關河丧乱多杀戮白日驱人夜烧屋一双白璧委沟渎日暮潜行向天哭呜呼七歌兮歌不足魂招不来泪盈掬

有诗有诗吟啸集纸上飞蛇歃香汁杜陵寶唾手亲拾沧海月明老珠泣天地长留国风什鬼神防呵六丁立我公笔势人莫及每一呻吟泪痕湿呜呼八歌兮歌转急魂招不来风习习

有官有官位卿相一代儒宗一敬让家亡国破身漂荡铁汉生擒今北向忠肝义胆不可状要
与人间留好样惜哉斯文天已丧我作哀章泪凄怆呜呼九歌兮歌始放魂招不来默惆怅

附錄【上】

恭宗皇帝送汪大有南还诗

寄语林和靖梅花几度开黄金台下客应是不归来

读汪水云诗集纳新

水云汪元量字大有钱塘人以善琴受知宋主国亡奉三宫留燕甚久世祖皇帝尝命奏琴因赐为黄冠师南归时防主瀛国公福王平原郡公赵与芮驸马右丞杨镇故相吴坚留梦炎叅政家铉翁文及翁提刑陈杰青阳梦炎与宫人王昭仪清惠以下廿有九人分韵赋诗以饯其行水云之诗多纪其国亡时事与文丞相狱中唱和之作文丞相又与马丞相廷鸾章丞相鉴邓礼部光荐谢国史枋得刘太傅辰翁序其诗集刘公又为批防余闲闻危太史言曰水云长身玉立修髯广颡而音若洪钟北归数来往匡庐彭蠡之间若飘风行云世莫能测其去留之迹江右之人以为神仙多画其像以祠之像至今有存者其诸公所赋墨迹尝见于临川僧舍云及予至京师因徐君敏道得水云集读而哀之偶成二律以识其后

三日钱塘海不波子婴系组纳山河兵临鲁国犹 诵客过殷墟独啸歌铁马渡江功赫奕铜人辞汉泪滂沱知章喜得黄冠赐野水闲云一钓蓑

一曲丝桐奏未休萧萧笳鼓禁宫秋湖山有意风云变江水无情日夜流供奉自歌南渡曲拾遗能赋北征愁仙人一去无消息沧海桑田空白头

续琴操哀江南谢翱

宋季有以善鼓琴见上者出入宫掖间汪姓忘其名临安不守太后嫔御北汪从之行留蓟门数年而文丞相被执在狱汪上谒且勉丞相必以忠孝白天下予将归死江南及归旧宫人防者十八人酹酒城隅与之别援琴鼓再行泪雨下悲不自胜后竟不知所在噫汪盖死矣客有感之者为续琴操曰哀江南凡四章

我赴蓟门四之一

我赴蓟门我心何苦我本南人我行北土视彼翼軫客星光光自陪輶轂久涉戎行靡歲不战何兵不溃偷生有感就死无罪莽莽黄沙依依翠华我皇何在忍恤我家

瞻彼江汉四之二

瞻彼江汉截淮及楚起兵海隈亡命无所枕戈待旦愤不顾身我眎王室谁非国人噫嘻昊天使汝縲紲奸党心寒健儿胆裂黄河万里冰雪峩峩尔死得死我生谓何

我操南音四之三

我操南音爰 我酒风摧我裳水裂我手薄送于野曷云同归自贻伊阻不得奋飞持此盈觞
化为别泪昔也姬姜今焉憔悴山高水远无相见时各保玉体将死为期

兴言自古四之四

兴言自古使我速老麋鹿是游姑苏荒草起秣我马褰回旧乡江山不改风景忘亡谁触尘埃
不见日月梨园云散羽林鸟没吞声踟躅悲风四来尔非遗民胡独不哀

【右续琴操哀江南者四章章四解或传粤人谢翱作读其辞甚悲因其辞以推其心则其所悲又有甚于此辞者谓非翱作不可也当宋季年大兵压境两宫且以琴酒自娱故老言度宗在宫中常以壶觞自随尽日不醉权臣弄国江上之师不暇一战反以捷闻盖必有以壅塞其耳目蛊惑其心志而然欤否则栗栗危惧之不防而又何乐于酒借令长江天堑北军不能飞渡安能坐守东南数郡为一 兹国哉梁萧绎时江陵戒严百官戎服听讲老子中既辍讲谍者言魏军不出四境帖然又复开讲一日以至力屈就擒身困缙幕虽拔刀斫桡不得悔嘻宋季然矣夫人者乃能以善鼓琴见上吾意其不为邹忌必为雍门周纵不能一悟主听使之少有更张亦能使之泣若破国亡邑至闻疾风飞鸟之声穷穷焉固无乐已及大事已去独其心怏怏犇走万里若不释然者嘻亦晚矣天寶盛时歌者李 年恩遇无比禄山乱 年流落江南每歌数阙四座莫不叹息泣下又况天地黯然山河顿异使夫人者尚在庸不有以泣 年者泣之乎予谓琴操多出忧愁穷苦之人而有所守者翱之于辞适契焉故録之若曰南风不竞则自古见之矣尚何言哉尚何言哉金华吴莱跋】

赠汪水云李吟山

青云贵戚玉麟儿曾逐銮车入紫闱王母 前窥面日太真膝上画眉时沧溟水濶龙何在华表秋深鹤未归三尺焦桐千古意黄金谁与铸钟期

送汪水云入湘吴仁杰

碧水波翻海亦摧奋身鼃背防蓬菜忍随天上红云散却馭關中紫气回天道有常须变化元關无钥任敲推携琴更拜苍梧野【阙】想南薰入调来

送汪水云之湘【摸鱼儿】 王学文

记当年舞衫零乱霖铃忍按新阕杜鹃枝上东风晚防防泪痕凝血芳信歇念初试琵琶曾识關山月怨弦易絕奈笑罢顰生曲终愁在谁解寸肠结 浮云事又作南柯梦彻一簪聊寄华髮乾坤桑海无穷事不歷昆明初劫谁共說都付与焦桐写入梅花叠黄花送客休更问湘魂独醒何在沈醉浩歌发

送钱塘琴士汪水云陈泰

三十年来丧耆旧天下弹琴水云叟犹疑脔气世间无自說蹉跎晚何有汉宫丽华陰贵人臣忝近歲居宫门东观初令习书史寶诏再直行丝纶熙明殿中早朝罢仗内玉辇扶皇君昭容传诏促侍燕屏弃旧乐嫌缤纷调弦始学凤凰语度曲便觉声有神银山千片潮卷雪天马万匹风驱云龙顔正色动一笑锦幄劝醉葡萄春今时富贵眼看尽异域飘零心尚存流传弟子竟谁在散落江湖嗟独闻人生底用夸长健白首青衫泪如线尊前指法鬪呼韩玉腕香余梦中见

题吕仲善所藏汪水云草虫卷子【并序】

陈谟

卷中百虫各极情态而终以大小数鴈岂所谓江南破百鴈来乎水云寓黍离之感于画图观者凄断

瑶琴理罢松风长嬾上湖船看歌舞行云流水有心期野草闲花各天趣纷纷虫羽恣飞扬散入毫端无遯处寻香逐艷何从来含睇凝情如欲语黄荃崔白称好手研吮朱铅 童豎不肥不瘦润有余墨晕生春独清楚春兰翛然如处女短不出丛秀眉妩夏芷仙人白纈袍长身玉立风生宇何当石根容我步乌纱箬竹从容赋漆园防庄知道者梦里化为蝴蝶去蘧蘧栩栩情态多什什伍伍花间住颠魂无定抑无归粉翅织纹何用许象房守宫半夜走玉帐佳人成白首络纬萧条蟋蟀寒山河已落他人手篱根 牵牛花 蔓藤枝亦何有西湖清浅綠荷雕画桥依约春风柳海潮不至天目倾七寶金鞭从北狩双双朔鴈俱南翔莓苔菰米连潇湘飞鸣宿食各自得岂有矰缴仍须防道人蒿目难为伤铜仙泪尽天亦荒琴歌既断赋无续画图仿佛存兴亡平川吕氏好古者不鄙谓予题此画忽忆秦皇汉武年万事轮云如走马

附錄【下】

汪元量先生大有号水云天兵平杭日诗曰西塞山边日落处北關门外雨来天南人堕泪北人笑臣甫低头拜杜鹃又曰钱塘江上雨初干风入端门阵阵酸万马乱嘶临警蹕三宫洒泪湿铃鸾童儿賸遣追徐福厉鬼须当灭贺兰若說和亲能活国婣娟应是嫁呼韩此语尤悲哽先生诗有水云集【辍耕錄】

水云汪元量宋亡以善琴召赴大都见世祖不愿仕赐黄冠遣还防主送诗云黄金台上客底事又思家归问林和靖寒梅几度花宋宫人多以诗送行者有云客有黄金共璧懷如何不肯赎奴回今朝且尽穹庐酒后夜相思无此杯意极凄惋元量有诗一帙皆叙宋亡事如云乱防传筹杀六更风吹庭燎灭还明侍臣奏罢降元表臣妾金名谢道清余诗大抵类是可憐野史元马易之题其帙后云三日钱塘海不波子婴系组纳山河兵临鲁国犹弦诵客过商墟独啸歌铁马渡江功赫奕铜人辞汉泪滂沱知章喜得黄冠赐野水闲云一钓蓑【归田诗话】

【按前卷所列少帝送水云南还诗与此首意同辞异前诗见于陶九成辍耕錄瞿存斋所记不知见于何书又日下旧闻以此诗为水云归后少帝追懷之作应并存之以俟考】

汪大有字元量为诗感慨有气节尝以善琴受知绍陵宋亡从三宫北去留燕甚久时故宫人王清惠张琼英皆善诗相见辄涕泣倡和语极悲壮或至文文山银钁所作拘幽十操文山倚歌和之元主闻其名召入鼓琴一再行乞为黄冠归钱塘与故宫人十八人酺酒城隅哀音哽乱泪下如雨往来匡庐彭蠡间若飘风行云莫能测其去留之迹自号水云子有水云集自奉使出疆三宫去国所歷皇王帝霸故都遗迹可喜可诧可惊可痛哭者皆收拾于诗刘辰翁马廷鸾目曰诗史【钱塘县志文苑传】

汪元量字大有钱塘人以善琴出入宋宫掖临安不守太后嫔御北汪从之留宿蓊门数年文丞相被执在狱汪谒勉丞相必以忠孝白天下元世祖命奏琴赐为黄冠师南归故防主瀛国公故福王平原公故相吴坚留梦炎参政家铉翁文及翁宫人王昭仪等分韵赋诗钱行有水云诗一卷多纪国亡时事亲见苍黄归附展转北行元帝后赐三宫燕赆宋宫人分嫁北匠有种种悲叹其酬王昭仪及平原公第夜宴谢太后挽诗尤凄絕故相马廷鸾章鉴谢枋得咸序曰诗史后往来匡庐彭蠡之间人莫测其去留之迹【南宋书】

水云以善琴供奉国亡随三宫入燕久之请为黄冠南归藏有赐砚背刻天锡永寶四字分书右刻水云二篆字左刻楷书絕句云斧柯片石伴幽闲堪与遗民共号顽试忆当时承赐事墨痕如泪尽成斑其北征古诗有云北师有严程挽我投燕京挟此万卷书明发万里行则砚必并载入燕以诗书授瀛国公皆此砚矣【改虫斋笔疏】

度宗时汪水云以善琴出入宫掖元兵入城赋诗云钱塘江上雨初干风入端门阵阵酸万马乱嘶临警蹕三宫洒泪湿铃銮童儿賸遣追徐福厉鬼终须灭贺兰若說和亲能活国婣娟应是嫁呼韩顷之从三宫北去留滞燕京时有王清惠张琼英皆故宫人善诗相见辄涕泣元量

尝和清惠诗云愁到浓时酒自斟挑灯看剑泪痕深黄金台迥少知己碧玉调高空好音万叶秋声孤馆梦一牕寒月故乡心庭前昨夜梧桐雨劲气萧萧入短襟【尧山堂外纪】

汪大有字元量号水云浮梁人咸淳进士官兵部侍郎工诗清丽可喜临安既失其诗曰西塞山边日落处北關门外雨来天南人堕泪北人笑臣甫低头拜杜鹃又曰钱塘江上雨初干风入端门阵阵酸万马乱嘶临警蹕三宫洒泪湿铃銮童儿賸遣追徐福厉鬼须当灭贺兰若說和亲能活国婵娟应遣嫁呼韩题王导像曰秦淮浪白蒋山青西望神州草木腥江左夷吾甘半壁只缘无泪洒新亭水云后从谢后北迁老宫人能诗者皆其指教或谓瀛国公喜赋诗亦水云教之所着诗有水云集【西江诗话】

【按水云钱塘布衣以琴师出入禁中见于刘辰翁文文山诸公题词此云浮梁人官兵部侍郎不知何所据也】